

同治鄞縣志

冊五第

鄧縣志卷十四

大事紀上

秦

始皇帝三十七年始皇出遊

史記始皇本紀

登稽嶽刻文石在鄧縣三十

餘日

陸士龍集

漢

武帝元鼎六年東越王餘善反

通鑑綱目

天子遣橫海將軍韓說出句

章浮海從東方往

史記東越傳

案曰漢書武帝紀謂中尉王溫舒與韓說並出會稽考二

史列傳溫舒實出梅嶺括地志梅嶺在虔化縣東北是溫

舒出豫章也

明州繫年錄

後漢

順帝陽嘉元年海賊曾旌

○案續漢天文志作曾於

等寇會稽殺句章鄣鄣三

縣長攻會稽東部都尉詔緣海縣各屯兵戍

後漢書順帝紀

靈帝熹平元年十一月會稽妖賊許昭起兵句章自稱大將軍立

其父生爲越王攻破城邑

後漢書臧洪傳

揚州刺史臧吳丹陽太守陳寶

討破之

靈帝紀

會稽妖賊許昌起於句章自稱陽明皇帝與其子韶扇動諸縣

眾以數萬孫堅以吳郡司馬募召精勇得千餘人與州郡合討

破之是歲熹平元年也刺史臧旻列上功狀詔書除堅鹽漬丞

吳志孫堅傳

案曰二史書妖賊一作許昭一作許昌其僭號則一稱王

一稱皇帝皆互異也今竝錄之裴注引後漢書靈帝紀父

爲越王與范書同而其名作昌則與三國同是所謂後漢

書者當出於華謝諸家書也東觀記云許昭稱大將軍立

父生爲越王此記成於熹平中乃同時人記載而名號悉

與范書合

續漢天文志亦同

似應以范爲據繫年錄

三年十一月揚州刺史臧旻率丹陽太守陳夤大破許生於會稽

斬之

靈帝紀

旻有幹事材熹平元年許昭攻破城邑眾以萬數拜旻揚州刺史率太守陳夤擊破之昭更屯結大爲人患旻等進兵連戰三年破平之獲昭父子斬首數千級遷旻爲使匈奴中郎將

臧洪傳

吳

大帝黃龍二年正月遣將軍衛溫諸葛直將甲士萬人浮海求夷

洲及亶洲

三國志

亶洲山在縣東四十五里

○案此舊志之語乾道圖經引之者

十道四蕃志亶

洲有虞冢東方朔十洲記山有不死之草赤莖綠葉人死
三日以草覆之卽活案吳志衛溫諸葛直浮海求夷洲及亶
洲亶洲在海中漢武洞穴記言秦始皇遣方士徐福將童男
童女數千人入海求蓬萊神仙及仙藥止此洲不還世相承
有數萬家其上人民時有至會稽貨布會稽東縣人海行亦
有遭風至亶洲者

○案圖經引洞穴記與吳志
孫權所稱長老傳言者同

所在絕遠卒

不可得至故衛溫等但得夷洲數千人還今謂亶洲山去縣
四十五里尙可疑焉世傳日本國卽此洲未知是否也

乾道
圖經

太元二年五月立皇后潘氏

吳志孫
權傳

潘夫人會稽句章人也父爲吏坐法死與姊俱輸織室權見而

異之

○案王嘉拾遺記吳主潘夫人父坐法夫人輸入織室容
態少儔爲江東絕色同出者百餘人謂夫人曰神女敬而

遠之有司陳於吳主使圖其容夫人憂戚不食減瘦改形工人
寫之以進吳主主見喜以虎魄如意撫案嗟曰此神女也愁貌

尙能感人況在權
樂乃納於後宮
召充後宮得幸有娠夢有似龍頭授已者已

以蔽膝受之遂生孫亮赤烏十三年亮立爲太子請出嫁夫人

之姊權聽許之明年立夫人爲皇后性妒譖害袁夫人等甚眾

權不豫夫人使問中書令孫宏呂后專制故事侍疾疲勞因以

羸疾宮人伺其昏卧共殺之託言中惡後事泄坐死者六七人

權尋薨合葬蔣陵

吳志本傳

景帝永安七年四月魏將新附督王稚浮海入句章

吳志孫休傳

稚入句章畧長吏賞林及男女二百餘口將軍孫越徼得一船

獲三十人

孫休傳

晉

安帝隆安四年四月妖賊二字據三孫恩寇浹口

年本紀增○案明一統志浹口卽大浹江

之口在甯波府會稽內史謝琰爲恩所敗死之

安帝紀

定海縣治南

恩字靈秀瑯琊人世奉五斗米道聚合亡命得百餘人攻上虞

殺縣令陷會稽害內史王凝之會稽謝鍼吳郡陸環等一時俱

起旬日之中眾數十萬自號征東將軍號其黨曰長生人吳會

承平日久人不習戰又無器械所在多破恩虜男女二十餘萬

入海

晉書孫恩傳

朝廷憂之以謝琰爲會稽內史

○案通鑑綱目誤作太守

都督

五郡軍事琰以資望鎮越土議者謂無東顧之虞及至郡不爲

武備將帥皆諫琰不從

晉書謝琰傳

隆安四年

恩傳

恩寇浹口入餘姚

破上虞進及邢浦琰遣參軍劉宣之距破恩旣而上黨太守張

虔碩戰敗羣賊銳進人情震駭琰跨馬而出廣武將軍桓寶爲

前鋒摧鋒陷陣殺賊甚多而塘路迤狹琰軍魚貫而前賊於艦

中旁射之前後斷絕琰至千秋亭敗績帳下都督張猛於後斫

琰馬琰墮地與二子俱被害寶亦死之

謝琰傳

朝廷大震遣將軍

桓不才孫無終高雅之擊之恩復還於海

恩傳

十一月詔劉牢之討孫恩

綱目

進號鎮北將軍都督會稽五郡屯上

虞分戍諸縣

晉書劉牢之傳

鎮北參軍督護劉鍾從餘姚浹口攻句章石

功

宋書劉鍾傳

牢之使劉裕戍句章

綱目

句章城既卑小戰士不盈數百人裕披堅執銳為士卒先賊乃

退還浹口時東伐諸帥御軍無律惟裕法令明整所至莫不親

賴焉

宋書高祖紀

五年二月孫恩寇句章劉牢之擊走之

綱目

恩復入浹口甯朔將軍高雅之敗績

案雅之兵敗安帝紀在四年十一月宋書天文志

在四年十月今從孫恩傳隸此年

恩頻攻句章劉裕屢摧破之

高祖紀

關內侯虞

邱進從裕戍句章城被圍數十日無口不戰身被數十創

宋書虞邱

進牢之進擊恩復還於海

恩傳。案方輿紀要今慈谿西南二十五里有戍溪山牢之討孫恩嘗戍

於此下有成溪。又案宋書劉敬宣傳高祖成句章賊頻攻不能拔敬宣請往為援賊於是退遠入海敬宣牢之子也

八月以劉裕為下邳太守討孫恩於郁洲大破之綱目恩南走自浹

口奔臨海高祖紀

恩北寇廣陵浮海而北劉裕躡之於郁洲恩累戰大敗由是衰

弱沿海南還裕亦尋海要截恩遠併海中及桓元用事恩復寇

臨海臨海太守辛景討破之恩窮蹙乃赴海自沈孫恩傳

宋

孝武帝大明四年徙山陰縣無貲之家於鄞鄮餘姚三縣界墾起

湖田宋書孔季恭傳

世祖大明初孔靈符為丹陽尹靈符山陰人以山陰縣土境褊狹民

多田少靈符表徙無貲之家於鄞鄮餘姚三縣界墾起湖田上

使公卿博議太宰江夏王義恭議曰夫訓農修本有國所同土

著之民習翫日久如京師湖田不聞徙居他縣尋山陰豪族富
室頃畝不少貧者肆力非爲無處耕起空荒無救災歎又緣湖
居民魚鴨爲業及有居肆理無樂徙尙書令柳元景右僕射劉
秀之尙書王瓚之顧凱之顏師伯湘東王或議曰富戶溫房無
假遷業窮身寒室必應徙居葺宇疏臯產粒無待資公則公未
易充課私則私卒難具生計旣完畚功自息宜募亡叛通卹及
與樂田者共往經創須粗修立然後徙居侍中沈懷文王景文
黃門侍郎劉敞郗暕議曰百姓雖不親農不無資生之路若驅
以就田則坐相違奪且鄞等三縣去治竝遠旣安之民忽徙他
邑新垣未立舊居已毀去畱兩困無以自資謂宜適任民情徙
其所樂開宥逋亡且令就業若審成腴壤然後議遷太常王元
謨議曰小民貧匱遠就荒疇去舊卽新糧種俱闕習之旣難勸

之未易謂宜微加資給使得肆勤明力田之賞申怠惰之罰光祿勳王昇之議曰遠廢之疇方翦荆棘率課窮乏其事彌難資徒粗立徐行無晚上違議從其徙民竝成良業

季恭傳

案曰本傳第稱大明初今考與議諸臣見宋書紀傳者義恭爲太宰元景爲尙書令秀之爲右僕射凱之爲尙書懷文爲侍中竝在二三四年中惟師伯以四年始遷尙書而懷文卽以五年出行郢州事然則此事當在大明四五年間今姑以四年書之

繫年錄

七年東土大旱鄞縣多陂田會稽太守豫章王子尙上表至鄞縣

勸農

宋書子尙傳○案曰子尙領太守宋書在五年南史在六年而其至鄞縣勸農則竝在七年錢志引南史以勸農事并屬

之六年誤也

明帝泰始五年臨海賊帥田流自稱東海王剽掠海鹽殺鄞令

通鑑

臨海亡命田流自號東海王逃竄會稽鄞縣邊海山谷中立屯營分布要害泰始五年帝遣直後聞人襲說降之授流龍驤將軍流受命將黨與出行達海鹽放兵大掠而反是冬殺鄞令耿

猷東土大震

南齊書周山圖傳

六年龍驤將軍周山圖將兵屯浹口討田流平之

通鑑

山圖東屯浹口廣設購募流爲其副暨挈所殺別帥杜運海濟生各擁眾自守至明年山圖分兵掩討皆平之

山圖傳

唐

元宗開元二十六年採訪使齊澣奏以越州之鄞縣置明州

新唐書地理志

案唐會要招流人五百戶以安輯之

新齊澣傳

案曰州縣沿革竝見建置表此因安輯流民之事牽連書

之且以著建州之始也

天寶三載二月海賊吳令光等抄掠台明通鑑遣河南尹裴敦復討

平之綱目

二月丁丑河南尹裴敦復晉陵太守劉同昇南海太守劉巨麟

討吳令光閏月令光伏誅

新唐書
元宗紀

肅宗至德二載餘姚賊龔厲劫明州

本獨孤及
毘陵集

案曰獨孤及爲江淮節度奏破餘姚賊龔厲表云胡寇作

逆吳越震恐龔厲父子乘閒起兵劫明州之人畧餘姚之

地逮茲二年侵掠益甚臣方荷推轂之寄遣軍將潘景蘭

呂道光等以三月十九日至青煙洞口鼓噪合戰殺三百

餘人斬元凶父子擒其妻孥傾其巢窟臣受鉞未幾覩茲

成功無任慶快云云但云三月不知何年亦不詳起事之

歲考唐書獨孤及傳及爲江淮都統李恒掌書紀則江淮

節度者峘也肅宗本紀峘以乾元元年十二月都統淮南
江西江東節度使表有方荷推轂受鉞未幾語則三月者
乾元二年之三月也胡寇作逆指安樂山事在天寶十五
載其年卽改至德至德僅二年明年卽改乾元表作於乾
元二年三月而追溯起兵云逮茲二年則厲之掠明當在

至德二載矣繫年錄

代宗寶應元年八月台州人袁晁反。○案本紀作鼂列傳及諸書竝作晁十月乙卯

陷明州新代宗紀

晁本鞭背史擒賊有負聚其類以反。新韓建元寶勝以建丑爲

正月殘剽州縣。新李光弼傳民疲於賦斂者多歸之李光弼遣兵擊

晁於衢州破之。通鑑

廣德元年三月丁未李光弼及袁晁戰敗之。代宗紀四月光弼遣將

擒晁浙東平綱目十一月癸丑袁晁伏誅給復明州一年代宗紀

晁聚眾近二十萬轉攻州縣通鑑盡有浙江之地御史中丞袁修

東討奏王栖曜為偏將連日十餘戰生擒晁舊王栖曜傳李光弼部

將張伯儀功第一擢睦州刺史新伯儀傳栖曜授浙江都知兵馬使

舊栖曜傳左衛率李自良從討晁積閱至試殿中監新李自良傳左武衛

中郎將柏良器以部兵隸浙西豫平晁新柏良器傳擒偽公卿數十

人州縣大具桎梏謂必生致闕下袁修曰此惡百姓何足煩人

乃笞臀逐之國史補

德宗貞元十四年十二月壬寅明州將舊書作明州鎮將栗鎰殺其刺史

盧雲以反新德宗紀

鎰誘山越作亂攻陷浙東州縣通鑑。案胡注云明州山越今慈谿鄞縣南界奉化縣西北界

也山民盧元注名從與史鑑異為所害置遺骸於郡督郵屋梁下李德裕祥瑞論

十五年二月庚辰○舊德宗本紀作乙未新紀在四月乙未浙東觀察使裴肅擒栗鎰

於台州斬之通鑑

肅帥台州兵討平之舊裴休傳擒栗鎰以獻斬於獨柳樹舊德宗紀自記

平賊一篇新裴休傳號平戎記上之德宗嘉賞焉舊傳

宣宗大中十三年八月懿宗即位十二月浙東賊帥裘甫陷象山官軍累

敗明州城門晝閉通鑑○案新書懿宗紀稱浙東人仇甫王式傳稱甯國賊紀傳互異通鑑考異云實錄作仇甫

今從平剡錄

裘甫陷象山觀察使鄭祗德遣兵討之大敗綱目明年正月乙丑

甫陷剡縣通鑑開府庫募壯士眾至數千人時二浙久安人不習

戰甲兵朽鈍見卒不滿三百祗德更募新卒綱目遣子將沈君縱

副將張公署望海鎮將李珪胡注望海鎮在明州界今定海縣即其地將新卒五百

擊甫二月辛卯與甫戰於剡西大敗三將皆死官軍幾盡於是

山海諸盜及它道無賴亡命之徒四面雲集眾至三萬小帥有謀畧者推劉晔勇力推劉慶劉從簡甫自稱天下都知兵馬使

改元羅平鑄印曰天平

通鑑

懿宗咸通元年三月裘甫掠明州州民樹柵浚溝爲之備

通鑑

以王

式爲浙東觀察使發諸道兵討甫破之

綱目

鄭祇德累表告急

通鑑

宰相選式往代詔可

新王式傳

三月辛亥朔式

入對

通鑑

懿宗問方畧對曰第假臣兵寇不足平也左右宦要皆

曰兵眾則餽多當惜天下費式奏盜若猖狂天誅不亟決東南

征賦闕矣甯得以億萬計之乎兵多則功速費寡二者孰利帝

顧左右曰宜與兵

式傳

乃發諸道兵授之甫分兵掠衢婺州又掠

明州明州之民相與謀曰賊若入城妻子皆爲菹醢况貨財能

保之乎自相帥出財募勇士治器械樹柵濬溝斷橋爲固守之